



CLassicus apud Germanos Vespasiani Imperatoris tempore in magna authoritate fuit. Itaque Geldrenses Cattorum socij ob plurimas eius uirtutes hunc sibi principem constituerunt. Accidit autem eo tempore quod Iulius Ciuilis in Imperatoris sui iram incidisset, ita ut supplicio afficiendus foret. Itaque Iulius hunc Classicum & Tutorem eius socium in auxilium asciuit, atque Cereali Cæsareo præfecto egregie restitit. In eo bello Classici uirtutes mirabiles prædicantur. Nam Romanos aggressus aliquoties superauit, ac tandem effecit, ut Iulius honestis conditionibus in

gratiam reciperetur. Itaque factum ut Classicus apud suos & apud hostes egregiam fortitudinis opinionem nactus fuerit, anno nonagesimo quinto. id quod ex Cornelij Taciti fragmentis deprehendi potest. Cor. Tacit. Crantz. Sax. libro 1. capite 15.